

उ॒भाभ्यां॑ पु॒तः । न दे॒वता॑भ्यः स॒मदं॑ दधाति । अ॒ग्नि॒ज्योति॑रित्याह । अ॒ग्निर्वै रे॒तो॒धाः । पु॒जाज्योति॑रि॒त्याह । पु॒जाए॒वास्मै॑ प्र॒जन॑यति । सूर्य्यो॒ज्योति॑रित्याह । पु॒जास्वे॒व प्र॒जाता॑सु रे॒तो॒दधा॑ति । ज्योति॑र॒ग्निः स्वाहे॑त्याह । पु॒जाए॒व प्र॒जाता॑अस्यां प्रति॑ष्ठापयति ॥ ११ ॥

तू॒ष्णीमु॒त्तरा॑माहु॒तिं जु॑होति । मि॒थुन॒त्वाय॑ प्र॒जा॒त्यै । यदु॒दिते॑ सूर्य्ये पु॒तर्जु॑ह्यात् । यथाति॑थये प्र॒द्रुता॑य शून्या॒याव॑स॒थाया॑हार्य्यः॑ ह॒रन्ति॑ । ता॒दृगे॒व तत् । का॒ह तत॑स्तद्भवतीत्याहुः । यत्स न वेद॑ । यस्मै॒ तद्भ॑रन्तीति । तस्माद्यदौष॒सं जु॑होति । तदे॒व स॑म्पृति ॥ अथो॒ यथा प्रा॑र्थमौष॒सं परि॑वेवेष्टि । ता॒दृगे॒व तत् ॥ १२ ॥

अ॒मृष्ट॑ वि॒चिकि॑त्सति जुह्वत्य॒जाम॑सृजतामिहोच॑ः॒ सूर्य्या॑य पु॒तर्जु॑होति जुह्वति स॒म्पद्ये॑ते ह॒यते॑ स्थापयति स॒म्पृति॑ द्वे च ॥ अनु० २ ॥

तृतीयोऽनुवाकः ।

रु॒द्रोवा॑एषः । यद॒ग्निः । पत्नी॑ स्था॒ली । यन्म॑ध्येऽग्नेर॒धि॒श्रये॑त् । रु॒द्राय॑ पत्नीमपि॑ दध्यात् । पु॒मायु॑का स्यात् । उदी॒चोऽङ्गारा॑नि॒रूद्धा॑धि॒श्रय॑ति । पत्नियै॑ गापी॒थाय॑ । व्य॒न्तान्॑ करोति । तथा पत्यप्र॑मायका भवति ॥ १ ॥